

জেলা শিল্পকলা একাডেমি সম্মাননা প্রদান নীতিমালা



সূজনশীল বাংলাদেশ



বাংলাদেশ শিল্পকলা একাডেমি



‘জেলা শিল্পকলা একাডেমি সম্মাননা প্রদান’ নীতিমালা

প্রথম অধ্যায়

সম্মাননা প্রদান সংক্রান্ত

১। উদ্দেশ্য :

বাংলাদেশের শিল্প ও সংস্কৃতির ক্ষেত্রে প্রতিটি জেলা পর্যায়ে বিশেষ অবদানের জন্য গুণীজন এবং তাঁদের কর্মকে চিহ্নিত করে ‘জেলা শিল্পকলা একাডেমি সম্মাননা’ প্রদানের মাধ্যমে সংস্কৃতির পৃষ্ঠপোষকতা ও বিকাশ সাধন।

২। লক্ষ্য :

প্রতি বছর শিল্প ও সাহিত্যের নিম্নবর্ণিত ১২টি ক্ষেত্রের মধ্যে হতে যে কোন ০৫টি ক্ষেত্রের ০১(এক) জন করে সর্বোচ্চ ০৫(পাঁচ) জন গুণী ব্যক্তিকে তাঁদের অবদানের জন্য প্রত্যেক জেলায় ‘জেলা শিল্পকলা একাডেমি সম্মাননা’ প্রদান করা।

১. কঠসংগীত
২. নৃত্যকলা
৩. যন্ত্রসংগীত
৪. চারুকলা
৫. ফটোগ্রাফি
৬. নাট্যকলা
৭. চলচ্চিত্র
৮. আবৃত্তি
৯. যাত্রাশিল্প
১০. লোক সংস্কৃতি
১১. সৃজনশীল সাংস্কৃতিক সংগঠন/সংগঠক
১২. সৃজনশীল সাংস্কৃতিক গবেষক

৩। পদকের নাম : ‘জেলা শিল্পকলা একাডেমি সম্মাননা’ প্রদান।

৪। পদকের মান :

জেলা শিল্পকলা একাডেমি সম্মাননা প্রদান-এর জন্য মনোনীত ব্যক্তি/ব্যক্তিগণের প্রত্যেককে ০১(এক)টি করে জেলা শিল্পকলা একাডেমি-এর নাম এবং মনোগ্রাম সম্বলিত পদক, সম্মাননা সনদপত্র এবং ১০,০০০/- (দশ হাজার) টাকার চেক প্রদান করা হবে।



দ্বিতীয় অধ্যায়

কমিটি সংক্রান্ত

৫। ‘জেলা শিল্পকলা একাডেমি সম্মাননা’ প্রদান কমিটি :

এই কমিটি অনধিক ১১(এগারো) সদস্য বিশিষ্ট হবে।

৬। ‘জেলা শিল্পকলা একাডেমি সম্মাননা’ প্রদান কমিটি-এর গঠনঃ

ক্র. নং	পদ অন্তর্ভুক্তির বিবরণ	পদ মর্যাদা
১	২	৩
ক.	সংশ্লিষ্ট জেলা প্রশাসক ও সভাপতি জেলা শিল্পকলা একাডেমি (পদাধিকার বলে)	সভাপতি
খ.	বাংলাদেশ শিল্পকলা একাডেমির একজন প্রতিনিধি (পরিচালক/উপ-পরিচালক পদমর্যাদা)	সদস্য
গ.	জেলা শিল্পকলা একাডেমির কার্যনির্বাহী কমিটির সিদ্ধান্তের ভিত্তিতে সংশ্লিষ্ট জেলা প্রশাসক শিল্প ও সংস্কৃতির ২নং বিধিতে বর্ণিত ১০টি ক্ষেত্রের যে কোন ০৭টি শাখায় ০১(এক) জন করে সর্বমোট ০৭(সাত) জন গুণীব্যক্তি মনোনয়ন দিবেন।	সদস্য
ঘ.	সংশ্লিষ্ট জেলা শিল্পকলা একাডেমির কার্যনির্বাহী কমিটির সহ-সভাপতি, (পদাধিকার বলে)	সদস্য
ঙ.	সংশ্লিষ্ট জেলা শিল্পকলা একাডেমির কার্যনির্বাহী কমিটির সাধারণ সম্পাদক (পদাধিকার বলে)	সদস্য সচিব
চ.	সংশ্লিষ্ট জেলা শিল্পকলা একাডেমির কালচারাল অফিসার (পদাধিকার বলে)। জেলা শিল্পকলা একাডেমির কালচারাল অফিসার-এর অনুপস্থিতিতে সাধারণ সম্পাদক সদস্য সচিবের দায়িত্ব পালন করবেন।	সদস্য সচিব

৭। কমিটি-এর কার্যকাল:

প্রতি বছর ‘জেলা শিল্পকলা একাডেমি সম্মাননা’ প্রদানের জন্য জেলা শিল্পকলা একাডেমি কর্তৃক কমিটি গঠিত হবে। সম্মাননা প্রদান কার্যক্রম সমাপ্তি পর্যন্ত কমিটি দায়িত্ব পালন করবে।



৮। কমিটির সদস্যগণের পদত্যাগ ও অপসারণ :

- ক) মনোনীত সদস্যগণ যে কোন সময় সংশ্লিষ্ট জেলা শিল্পকলা একাডেমির সভাপতি বরাবর পদত্যাগের জন্য আবেদন করতে পারবেন। সভাপতি কর্তৃক পদত্যাগ পত্র গৃহীত হবার তারিখ হতে তার সদস্যপদ ‘শূন্য’ বলে বিবেচিত হবে।
- খ) জেলা শিল্পকলা একাডেমি কার্যনির্বাহী কমিটির সুপারিশের ভিত্তিতে সভাপতি শূন্য পদে মনোনয়ন প্রদান করবেন।



তৃতীয় অধ্যায়

কমিটির কার্যক্রম সম্পর্কিত

- ৯। ‘জেলা শিল্পকলা একাডেমি সম্মাননা’ প্রদান সংক্রান্ত কমিটি প্রতি বছর সভায় মিলিত হয়ে সম্মাননা প্রদানের উদ্দেশ্যে ২নং বিধিতে বর্ণিত ১০টি ক্ষেত্রের যে কোন ০৫টি ক্ষেত্র হতে কমপক্ষে ০২(তিনি) জন গুণীব্যক্তির নামের প্রস্তাব সুপারিশ করবেন।
- ১০। কমিটি স্বীয় বিবেচনায় ০৫(পাঁচ)টি ক্ষেত্রে প্রয়োজনীয় ক্ষেত্রে সম্মাননা প্রদান করার ব্যবস্থা নিবে।
- ১১। কমিটি সম্মাননা প্রদানের জন্য তারিখ, সময় ও স্থান নির্ধারণ করবে। প্রতি অর্থ বছরের মধ্যে কমিটি কর্তৃক আনুষ্ঠানিক সম্মাননা প্রদানের কাজ শেষ করতে হবে।
- ১২। জেলা শিল্পকলা একাডেমি সম্মাননা প্রদানের জন্য নাম প্রস্তাব কালে প্রস্তাবিত ব্যক্তির সংশ্লিষ্ট ক্ষেত্রে অবদান সম্পর্কিত লিখিত বিবরণী যুক্ত করতে হবে।

চতুর্থ অধ্যায়

দায়িত্ব প্রাপ্ত কার্যাদি

- ১৩। সংশ্লিষ্ট জেলা শিল্পকলা একাডেমি ‘জেলা শিল্পকলা একাডেমি সম্মাননা’ প্রদান সংক্রান্ত কার্যাদি সম্পাদন করবে।
- ১৪। সংশ্লিষ্ট জেলা শিল্পকলা একাডেমি ‘রাষ্ট্রীয় পদক’ প্রাপ্ত গুণীজন যারা বর্তমানে জীবিত আছেন তাদের নামের হালনাগাদ তালিকা সংগ্রহ ও সংরক্ষণ করবে।
- ১৫। সংশ্লিষ্ট জেলা শিল্পকলা একাডেমি সম্মাননা প্রদানকৃত গুণীজনের তথ্যাদিসহ পদক প্রক্রিয়ার সকল নথি সংরক্ষণ করবে।



পঞ্চম অধ্যায়

সম্মাননা প্রাপ্তির যোগ্যতা ও সীমাবদ্ধতা

- ১৬। সম্মাননার জন্য মনোনীত গুণীজন জন্মসূত্রে বাংলাদেশের এবং সংশ্লিষ্ট জেলার স্থায়ী নাগরিক হবেন।
- ১৭। সম্মাননা প্রদানের জন্য প্রাথমিক মনোনয়ন প্রাপ্ত গুণীজনের বয়স বিবেচ্য বছরের ১ জানুয়ারি তারিখে কমপক্ষে ৪০ (চালিশ) বছর পূর্ণ হতে হবে।
- ১৮। জেলা শিল্পকলা একাডেমি সম্মাননা প্রদান কেবল জীবিত গুণীজনের ক্ষেত্রে প্রযোজ্য হবে। কোন মরণোত্তর সম্মাননা প্রদান করা যাবে না।
- ১৯। রাষ্ট্রীয় পর্যায়ে পদক প্রাপ্ত গুণীজনকে এই সম্মাননা প্রদানের জন্য মনোনীত করা যাবে না।
- ২০। এই সম্মাননা কোন দল, প্রতিষ্ঠান বা সংগঠনের জন্য বিবেচিত হবে না।
- ২১। বাংলাদেশের মুক্তিযুদ্ধ, স্বাধীনতার চেতনা ও সার্বভৌমত্ববিরোধী কোন ব্যক্তি এই সম্মাননা পাওয়ার যোগ্য বলে বিবেচিত হবেন না।
- ২২। কোন গুণীজনকে ০১(এক) বারের বেশি সম্মাননা প্রদান করা যাবে না।
- ২৩। সম্মাননা প্রদানের জন্য কোন ক্ষেত্রে কোন গুণীজনকে মনোনয়ন প্রদান করা সম্ভব না হলে বিবেচ্য বছর উক্ত ক্ষেত্রে গুণীজনকে সম্মাননা প্রদান করা হবে না।
- ২৪। সম্মাননা প্রদান কমিটির কোন সদস্য বিবেচ্য বছর সম্মাননা প্রাপ্তির জন্য যোগ্য বলে বিবেচিত হবেন না।
- ২৫। সম্মাননার জন্য ‘মনোনয়ন’ প্রাপ্ত ব্যক্তি আনুষ্ঠানিক সম্মাননা প্রদানের পূর্বে শারীরিক ভাবে পঙ্ক/অক্ষম হলে অথবা মৃত্যুবরণ করলে অথবা অন্য যে কোন কারণে সম্মাননা গ্রহণের জন্য উপস্থিত হতে না পারলে তার আইনানুগ উত্তরাধিকারীগণের মধ্যে হতে একজন সম্মাননা, সনদপত্র এবং চেক গ্রহণ করবেন।



জেলা শিল্পকলা একাডেমি সম্মাননা প্রদান নীতিমালা

- ১। উত্তরাধিকারী এক বা একাধিক যাই হোক না কেন 'মনোনয়ন' প্রাপ্ত ব্যক্তির পক্ষে সম্মাননা গ্রহণের জন্য লিখিত আবেদনের সাথে নিম্ন বর্ণিত কাগজপত্র দাখিল করতে হবে-
 - ক) সংশ্লিষ্ট জেলা প্রশাসক ও সভাপতি, জেলা শিল্পকলা একাডেমি বরাবর লিখিত আবেদনপত্র।
 - খ) উত্তরাধিকার সনদপত্র।
 - গ) উত্তরাধিকারীগণ কর্তৃক সনদ গ্রহণের জন্য সকলের পক্ষে একজন প্রতিনিধি নির্ধারণ সংক্রান্ত 'এফিডেভিট'।
- ২। উত্তরাধিকারী এবং প্রতিনিধি নির্ধারণ সংক্রান্ত জটিলতার কারণে সম্মাননা গ্রহণের জন্য লিখিত আবেদনপত্র দাখিল করতে বিলম্ব হলে কোন বছরের পুরস্কার পরিবর্তীতে আনুষ্ঠানিকভাবে প্রদানকৃত পুরস্কারের সাথে প্রদান করা যাবে।

ষষ্ঠ অধ্যায়

- ২৬। সম্মাননা প্রদান সংক্রান্ত নীতিমালার কোন বিধি বা উপ-বিধি পরিবর্তন, সংশোধন বা বাতিলকরণের প্রয়োজন হলে সম্মাননা প্রদান সংক্রান্ত কমিটির কমপক্ষে দুই-ত্রুটীয়াংশ সদস্যের সম্মতির ভিত্তিতে 'প্রস্তাবনা' তৈরি করে তা বাংলাদেশ শিল্পকলা একাডেমি পরিষদের নিকট অনুমোদনের জন্য উপস্থাপন করতে হবে।
- ২৭। এইরূপ পরিবর্তন, সংশোধন বা বাতিল করণের প্রস্তাব বাংলাদেশ শিল্পকলা একাডেমি পরিষদ কর্তৃক অনুমোদিত হবার তারিখ হতে কার্যকরী হবে।



সপ্তম অধ্যায়

বিবিধ

- ২৮। এই নীতিমালার প্রতিটি ক্রমিক নম্বর যথাক্রমে ‘বিধি’ এবং বিধি-এর অন্তর্ভুক্ত প্রতিটি ক্রমিক নম্বর উপবিধি হিসাবে উল্লিখিত হবে।
- ২৯। এই নীতিমালায় উল্লেখ করা হয়নি এমন কোন বিষয়ে সম্মাননা প্রদান কমিটির সিদ্ধান্তই চূড়ান্ত বলে বিবেচিত হবে।
- ৩০। জেলা শিল্পকলা একাডেমি সম্মাননা প্রদান নীতিমালা ০৬নং বিধিতে রাঙামাটি, খাগড়াছড়ি ও বান্দরবান পার্বত্য জেলার ক্ষেত্রে জেলা প্রশাসক ও সভাপতি জেলা শিল্পকলা একাডেমির স্থলে চেয়ারম্যান রাঙামাটি, বান্দরবান ও খাগড়াছড়ি পার্বত্য জেলা পরিষদ জেলা সম্মাননা প্রদান কমিটির সভাপতি হবেন। সম্মাননা প্রদান কমিটির অন্যান্য সদস্যগণ অপরিবর্তিত থাকবে।

মহাপরিচালক
বাংলাদেশ শিল্পকলা একাডেমি
সেগুনবাগিচা, রমনা, ঢাকা-১০০০।

সুজন শিল্প বাংলাদেশ



বাংলাদেশ শিল্পকলা একাডেমি
www.shilpkala.gov.bd